

四庫全書

史部

欽定四庫全書

尚史卷五十七

列傳三十五

鑲白旗漢軍李鎔撰

觀丁父 彭仲與 觀射父 彭名

觀起  
觀瞻

觀從

彭生附

觀丁父者都俘也武王以為軍率克州蓼服隨唐大啟  
羣蠻彭仲與者申俘也文王以為令尹縣申息朝陳蔡

封畛于汝

左傳

觀丁父之後曰觀射父射父事昭王昭王問曰周書所謂重黎實使天地不通者何也若無然民將能登天乎對曰非此之謂也古者民神不雜民之精爽不惱貳者而又能齊肅中正其知能上下比義其聖能光遠宣朗其明能光照之其聰能聽徹之如是則明神降之在男曰覲在女曰巫是使制神之處位次主而為之牲器時服而後使先聖之後之有光烈而能知山川之號高祖之主宗廟之事昭穆之世齊敬之勤禮節之宜威儀

之則容貌之崇忠信之質禋潔之服而敬恭明神者以

為之祝使名姓之後能知四時之生犧牲之物玉帛之

類采服之儀彝器之量

彝六彝器俎豆

次主之度

次主疏數也

屏攝

之位

周氏云屏者弁攝主人之位韋昭謂屏屏風攝形如要扇皆所以分別尊卑為祭祀之位

壇場

之所上下之神氏姓之出而心率舊典者為之宗于是

乎有天地神民類物之官謂之五官各司其序不相亂

也民是以能有忠信神是以能有明德民神異業敬而

不瀆故神降之嘉生民以物享禍災不至求用不匱及

少皞之衰也九離亂德民神雜糅不可方物夫人作享  
家為巫史無有要質民匱于祀而不知其福烝享無度  
民神同位民瀆齊盟無有威嚴神狎民則不蠲其為嘉  
生不降無物以享禍災薦臻莫盡其氣顓頊受之乃命  
南正重司天以屬神命火正黎司地以屬民使復舊常  
無相侵瀆是謂絕地天通其後三苗復九黎之德堯復  
育重黎之後不忘舊者使復典之以至于夏商故重黎  
氏世叙天地而別其分主者也其在周程伯休父其後

也當宣王時失其官守而為司馬氏寵神其祖以取威  
于民曰重實上天黎實下地遭世之亂而莫之能禦也  
不然夫天地成而不變何比之有公子結祀平王祭以

牛俎于王王問于射父曰祀牲何及對曰祀加于舉

舉人

君朔望  
之盛饌

天子舉以大牢祀以會

大牢牛羊豕也  
會會三大牢也

諸侯舉

以特牛

特一也

祀以大牢卿舉以少牢

少牢  
羊豕

祀以特牛大

夫舉以特牲

特牲  
豕也

祀以少牢士食魚炙祀以特牲庶人

食菜祀以魚上下有序民則不慢王曰其小大何如對

曰郊禘不過薦栗烝嘗不過把握王曰何其小也對曰  
夫神以精明臨民者也故求備物不求豐大是以先王  
之祀也以一純二精三牲四時五色六律七事八種九  
祭十日十二辰以致之

一純二精七事見下文八種八音九祭九州助祭也百姓

千品萬官億醜兆民經入咳數以奉之明德以招之龢  
聲以聽之以告徧至則無不受休毛以示物血以告殺  
接誠拔取以獻具為齊敬也

拔毛取血獻其備物也

敬不可久民

功不堪故齊肅以承之王曰芻豢幾何對曰遠不過三

月近不過浹日

遠謂三牲近謂雞鶩

王曰祀不可以已乎對曰祀

所以昭孝息民撫國家定百姓也不可以已夫民氣縱

則底

底著也

底則滯滯久不震生乃不殖是用不從

不從上今

其生不殖不可以封

不可封建

是以古者先王日祭月享時

類歲祀諸侯舍日卿大夫舍月士庶人舍時天子徧祀

羣神品物諸侯祀天地三辰及其土之山川卿大夫祀

其禮

謂五祀及祖所自出

士庶人不過其祖日月會于龍箄

龍箄龍尾也

謂周十二月日月合辰于尾上也

土氣含收天明昌作

天氣盛起也

百嘉備



舍羣神頻行

謂時物畢成羣神並行求食舍入室頻並也

國于是乎烝嘗家

于是乎當祀上所以教民虔也下所以昭事上也民所

以攝固者也若之何其舍之也王曰所謂一純二精七

事者何也對曰聖王正端冕以其不違心帥其羣臣精

物以臨監享祀無有苛慝于神者謂之一純玉帛謂二

精天地民及四時之務為七事王曰三事者何也對曰

天事武帝事文民事忠信王曰所謂百姓千品萬官億

醜兆民經八咳數者何也對曰民之徹官百

徹達也自以名達于

上者王公之子弟之質能言能聽徹其官者而物賜之

姓以監其官是為百姓姓有徹品十于王謂之千品官一

之職其寮屬徹于王五物之官陪屬萬為萬官五物即前五官

臣之臣為陪屬謂倍屬佐官有十醜為億醜醜類也十

助復有十等千品故萬官十萬十萬曰億古數也天子之田九畝以食兆民九畝九州之內有畝數也王

取經入馬以食萬官國語

觀射父之後曰觀起起當康王時有寵于令尹公子追

舒未益祿而有馬數十乘康王九年襄二十二年王殺追舒

輟起于四竟

輟車裂以徇也

起之子觀從從字子玉靈王時召

公子比為亂見亂臣傅患王時起之後觀瞻為開卜大

夫彭仲爽之後曰彭名名事莊王莊王十七年

宣十二年必

之役名御左廣敗晉師于邲共王二年

成二年

晉伐齊我

侵衛遂侵魯以救齊名御戎蔡侯為左許男為右及楊

橋魯平乃盟于蜀十六年

成十六年

鄢陵之役名御王潘黨

為右晉射王中目二十二年

襄四年

我伐陳聞陳侯卒乃

止陳人不聽命名侵陳其後有彭生為大夫事靈王靈

王三年

昭四年

王欲遷許于賴使鬬韋龜與公子棄疾城

之冬東國水不可以城彭生罷賴之師

左傳

申叔時

申叔跪

士鹽附

申叔豫

申叔展

申叔時為大夫事莊王莊王十六年

宣十一年

王入陳殺夏

徵舒遂縣陳申叔時使于齊反復命而退王使讓之曰

夏徵舒為不道弑其君寡人以諸侯討而戮之諸侯縣

公皆慶寡人女獨不慶寡人何故對曰猶可辭乎王曰

可哉曰夏徵舒弑其君其罪大矣討而戮之君之義也

抑人亦有言曰牽牛以蹊人之田而奪之牛牽牛以蹊者信有罪矣而奪之牛罰已重矣諸侯之從也曰討有罪也今縣陳貪其富也以討召諸侯而以貪歸之無乃不可乎王曰善哉吾未之聞也反之可乎曰可哉吾儕

小人所謂取諸其懷而與之也乃復封陳十九年

宣十四年

我使申無畏聘于齊宋殺之我園宋凡九月將去宋時

僕

為王御

曰築室反耕者宋必聽命從之宋懼及我乎

左傳

王使士亹

大夫

傅大子審

共王

辭曰臣不材無能益焉王曰

賴子之善善之也對曰夫善在大子大子欲善善人將  
至若不欲善善則不用故堯有丹朱舜有商均啟有五  
觀湯有大甲文王有管蔡是五王者皆元德也而有姦  
子夫豈不欲其善不能故也若民煩可教訓蠻夷戎狄  
其不賓也久矣中國所不能用也王卒使傅之問于時  
時曰教之春秋而為之聳善而抑惡焉以戒勸其心教  
之世而為之昭明德而廢幽昏焉以休懼其動教之詩  
而為之道廣顯德以耀明其志教之禮使知上下之則

教之樂以疏其穢而鎮其浮教之令使訪物官教之語  
使明其德而知先王之務用明德于民也教之故志使  
知廢興者而戒懼焉教之訓典使之族類行比義焉若  
是而不從動而不悛則文詠物以行之求賢良以翼之  
悛而不攝則身勤之多訓典刑以納之務慎惇篤以固  
之攝而不徹則明施舍以道之忠明久長以道之信明  
度量以道之義明等級以道之禮明恭儉以道之孝明  
敬戒以道之事明慈愛以道之仁明昭利以道之文明

除害以道之武明精意以道之罰明正德以道之賞明  
齊肅以耀之臨若是而不濟不可為也且夫誦詩以輔  
相之威儀以先後之體貌以左右之明行以宣翼之制  
節義以動行之恭敬以臨監之勤勉以勸之孝順以納  
之忠信以發之德音以揚之教備而不從者非人也其  
可興乎夫子踐位則退自退則敬不則報國語  
莊王薨事共王共王及晉平既盟于宋十五年成十五年將  
侵鄭衛公子貞曰新與晉盟而背之無乃不可乎公子



側曰敵利則進何盟之有時老矣在申聞之曰子反必不免信以守禮禮以庇身信禮之亡欲免得乎十六年

成十六年

晉伐鄭我救之公子側將中軍過申入見時曰師

其何如對曰德刑詳

詳祥也

義禮信戰之器也德以施惠

刑以正邪詳以事神義以建利禮以順時信以守物民生厚而德正用利而事節時順而物成上下和睦周旋不逆求無不具各知其極故詩曰立我烝民莫匪爾極是以神降之福時無災害民生敦龐和同以聽莫不盡

力以從上命致死以補其闕此戰之所由克也今楚內  
棄其民而外絕其好瀆齊盟而食話言奸時以動而疲  
民以逞民不知信進退罪也人恤所底其誰致死子其  
勉之吾不復見子矣戰于鄢陵我師敗績遂殺公子側  
時子曰跪共王之即位也將伐魯使屈巫臣即巫聘于齊  
且告師期屈巫盡室以行跪從其父將適郢遇之曰異  
哉夫子有三軍之懼而又有桑中之喜宜將竊妻以逃  
者也屈巫果不反而以夏姬奔晉左傳

申叔豫時之孫也康王八年

襄二十一年

使蘧子馮為令尹

子馮訪于豫豫曰國多寵而王弱國不可為也子馮以

疾辭乃使公子追舒

即子南

為令尹觀起有寵于追舒未

益祿而有馬數十乘王殺追舒輟觀起復使蘧子馮為

令尹有寵于子馮者八人皆無祿而多馬他日朝與豫

言弗應而退從之入于人中又從之遂歸退朝見之曰

子三困我于朝吾懼不敢不見吾過子姑告我何疾我

也對曰吾不免是懼何敢告子曰何故對曰昔觀起有

寵于子南子南得罪觀起車裂何故不懼子馮自御而  
歸不能當道至謂八人者曰吾見申叔夫子所謂生死  
而肉骨也知我者如夫子則可不然請止辭八人者而  
後王安之先是有申叔展亦為大夫事莊王與蕭大夫  
還無社善莊王十七年宣十二年我伐蕭蕭潰遂傳于蕭還  
無社與司馬卯言號展展曰有麥麴乎曰無有山鞠窮  
乎曰無麥麴鞠窮所以禦濕欲使無社逃泥水中無社不解故曰無河魚腹疾奈何  
言無禦濕曰目于眚井而拯之無社意解欲入廢井若為茅經哭

井則已

展教茅以表井  
哭則應以為信

明日蕭潰展視其井則茅經存

焉號而出之司馬邠亦楚大夫

論曰傳有九教學則不遺師有六器戰則不危娓娓乎  
申叔之辭也雖無老成人尚有典型舍是勿謀官多闕  
矣觀射父能作訓辭以行事于諸侯其重黎之對亦多  
聞之一也

申無畏 申犀

申無畏是為文之無畏字子舟為大夫事穆王穆王九

年

文十

王將伐宋宋逆王勞且聽命遂道以田孟諸宋

公為右孟鄭伯為左孟

孟田獵陳名

期思公復遂為右司馬

公子朱及無畏為左司馬命夙駕載燧宋公違命無畏扶

其僕以徇或謂無畏曰國君不可戮也無畏曰當官而

行何強之有詩曰剛亦不吐柔亦不茹毋縱詭隨以謹

罔極是亦非辟彊也敢愛死以亂官乎穆王薨事莊王

莊王十九年

宣十四年

使無畏聘于齊無假道于宋使公子

馮聘于晉不假道于鄭無畏以孟諸之役惡宋曰鄭昭

宋聾晉使不害我則必死王曰殺女我伐之見其子屏

而行及宋宋人殺之王聞之投袂而起屨及于室皇

病門

闕

劍及于寢門之外車及于蒲胥之市秋九月圍宋明

年夏五月將去宋申犀稽首于王之馬前曰無畏知死

而不敢廢王命王棄言馬王不能答乃築室反耕者宋

懼請平

左傳

復遂者楚期思邑公公子馮羣公子公子朱別有傳

申無宇 申亥

申無宇者芊尹也邾敖二年

襄三  
十年

公子圍為令尹殺大

司馬為掩而取其室無宇曰王子必不免善人國之主也王子相楚國將善是封殖而虐之是禍國也且司馬令尹之偏而王之四體也絕民之主去身之偏父王之體以禍其國無不祥大馬何以得免公子圍弑邾敖自立是為靈王靈王三年

昭四  
年

王合諸侯于申秋以諸侯伐

吳克朱方遂滅賴城賴以遷許無宇曰楚禍之首將在此矣召諸侯而來伐國而克城竟莫校王心不違民



其居于民之不處其誰堪之不堪王命乃禍亂也王之  
為令尹也為王旌以田無宇斷之曰一國兩君其誰堪  
之

新序羊尹文者荆之豕鹿毚者也司馬子期獵于雲  
夢載旂之長拖地文拔劍齊諸軫而斷之貳車抽弓  
于鞬援矢于箚引而未發也子期伏軾而問曰吾有  
罪于夫子乎對曰臣以君旂拖地故也國君之旂齊  
軫大夫之旗齊軾今子荆國名大夫而滅三等文之

斷也不亦可乎子期說載之王所以文之言告王王

說使為江南令而大治 此申無宇事而附會為二

及即位六年

昭七年

為章華之宮納亡人以實之無宇之

聞入馬

有罪亡人

無宇執之有司弗與曰執人于王宮其罪

大矣執而謁諸王王將飲酒無宇辭曰天子經略諸侯

正封古之制也封畧之內何非君土食土之毛誰非君

臣故詩曰普天之下莫非王土率土之賓莫非王臣天  
有十日人有十等下所以事上上所以共神也故王臣

公公臣大夫大夫臣士士臣阜阜臣興興臣隸隸臣僚

僚臣僕僕臣臺臺有牧以待百事今有司曰女

胡執人于王宮將焉執之周文王之法曰有亡荒閱

荒大

也閱蒐也言有亡人則大蒐也

所以得天下也吾先君文王作僕區

刑書

之法曰盜所隱器與盜同罪所以封汝也

啟封疆至汝水也

若

從有司是無所執逃臣也逃而舍之是無陪臺也王事

無乃闕乎昔武王數紂之罪以告諸侯曰紂為天下逋

逃主萃淵藪故夫致死焉君王始求諸侯而則紂無乃

不可乎若以二文之法取之盜有所在矣

盜指靈王

王曰取

而臣以往盜有寵未可得也

盜靈王自指戲言也

遂赦之十年

昭十

一王滅蔡用隱大子于岡山無宇曰不祥五牲不相為

用

如祭馬先用馬

況用諸侯乎王必悔之王城陳蔡不羹使

公子棄疾為蔡公問于無宇曰棄疾在蔡如何對曰擇

子莫如父擇臣莫如君鄭莊公城櫟而寘子元焉使昭

公不立

鄭厲公因公子元殺櫟大夫檀伯以居櫟卒使昭公見殺

齊桓公城穀而寘

管仲焉至于今賴之臣聞五大不在邊五細不在庭

上古

金木水火土謂之五官玄鳥氏丹鳥氏亦有五蓋五官之本也言五官之長專威過節不可居邊細弱不勝任亦不可居朝廷親不在外羈不在內今棄疾在外鄭丹在內君

其少戒王曰國有大城何如對曰鄭京櫟實殺伯曼

即檀

伯

宋蕭毫實殺子游

南宮長萬立公子游蕭叔大心殺之立桓公

衛蒲戚實

出獻公

孫林父甯殖食邑戚蒲

若由是觀之則害于國未大必折

尾大不掉君所知也

國語靈王使僕析父問無宇曰吾城三國賦皆千乘亦當晉矣又加以楚諸侯其來乎對曰制城邑若

體性焉有首領股肱至于手拇毛脈大能掉小故變而不勤地有高下天有晦明民有君臣國有都鄙古之制也夫邊境者國之尾也譬之如牛馬處暑之既至蚤蟄之既多而不能掉其尾臣亦懼之不然是三城也豈不使諸侯之心惕惕焉析父復命王曰是知天咫安知民則右尹然丹侍曰民天之生也知天必知民矣是其言可以懼哉

無字之子曰申亥十二年

昭十三年

王在乾谿公子比公子

棄疾為亂王沿夏將欲入鄢亥曰吾父再奸王命

謂斷旌執

人于章

華宮王弗誅惠孰大焉君不可忍惠不可棄吾其從

王乃求王遇諸棘闡以歸王縊于申亥氏亥以其二女

殉而莖之

左傳

### 申包胥

申包胥楚大夫也與伍員友平王之殺伍奢也伍員出

奔吳謂包胥曰我必復楚國包胥曰勉之子能復之我必

能興之昭王十年

定四年

吳伐我入郢王奔隨包胥如秦

乞師曰吳為封豕長蛇以薦食上國虐始于楚寡君失  
守社稷越在草莽使下臣告急曰夷德無厭若鄰于君  
疆場之患也逮吳之未定君其取分焉若楚之遂亡君  
之土也若以君靈撫之世以事君秦伯使辭焉曰寡人  
聞命矣子姑就館將圖而告對曰寡君越在草莽未獲  
所伏下臣何敢即安立依于庭牆而哭日夜不絕聲勺  
飲不入口七日秦伯為之賦無衣九頓首而坐秦師乃  
出



史記吳入郢伍子胥掘平王墓出其尸鞭之三百申  
包胥亡于止中使人謂子胥曰子之報讐其以甚乎  
吾聞之人衆者勝天天定亦能破人今子故平王之  
臣親北面而事之今至于僂死人豈其無天道之極  
乎伍子胥曰為我謝申包胥吾日暮途遠故倒行而  
逆施之于是申包胥走秦求救立于秦庭晝夜哭七  
日七夜秦哀公曰楚雖無道有臣若是可無存乎乃  
救楚吳越春秋申包胥之秦求救作踵蹠劈裂裳裹

滕鶴倚哭于秦庭秦桓公素沈湎不恤國事申包胥  
哭已歌曰吳為無道封豕長蛇以食上國欲有天下  
政從楚起寡君出在草野使來告急如此七日桓公  
大驚淮南子畧同 按吳入郢當秦哀公三十一年  
作桓公誤

明年包胥以秦師至大敗吳師王入于郢王賞包胥包  
胥曰吾為君也非為身也君既定矣又何求且吾尤子  
旗其又為諸

按子旗即蔓成然成然立平王而求無厭平王殺之

遂逃賞

左傳

新序昭王復國而賞始于包胥包胥曰輔君安國非  
為身也救急除害非為名也功成受賞是賣勇也遂  
逃賞終身不見

論曰兩君相見先以玉帛禮也且宋公者甫尋白馬天  
子客之而楚靈暴虐僕役諸侯無畏緘其忠諫若佐鬪  
馬使齊而死非宋之聲也無宇斷旌如剛斯得方之扶

僕則遠矣章華之對弱主所唏靈王赦之適足以莖異  
哉若乃伍申同心而覆復異趣卒使怨信德報各如厥  
志君子之和與

潘阆 潘黨

潘阆字師叔為大夫事莊王莊王三年

又十六年

庸人帥羣

蠻以叛我使廬戢黎

廬大夫

侵庸及庸方城庸人逐之囚

子揚憲

戢黎官屬

三宿而逸曰庸師衆羣蠻聚焉不如復大

師且起王卒合而後進阆曰不可姑又與之遇以驕之

彼驕我怒而後可克先君蚡冒所以服陞陞也又與之

遇七遇皆北唯裨儻魚人

庸三邑

實逐之庸人曰楚不足

與戰矣遂不設備王乘駟會師于臨品遂滅庸十七年

宣十二年

王圍鄭克之退二十里而許之平使虓入盟鄭公

子去疾出質既而晉救鄭使魏錡來請戰虓之子黨逐

之及熒澤見六廩射一廩以顧獻曰子有軍事獸人無

乃不給于鮮敢獻于從者黨命去之黨既逐魏錡趙旃

復夜至王乘左廣以逐之晉師懼二使之怒我師也使

軛車逆之黨望其塵使騁而告曰晉師至矣我懼王之

入晉軍也遂出陳乘晉軍工尹齊將右拒卒以逐下軍

使黨率游關

游車補關者

四十乘從唐侯以為左拒以從上

軍遂敗晉師于郟黨曰君盍築武軍而收晉尸以為京

觀臣聞克敵必示子孫以無忘武功王曰非爾所知也

莊王薨黨事共王共王十六年

成十六年

晉伐鄭我救之遇

于鄢陵彭名御王黨為右及戰晉射王中目我師敗績

黨

字叔是為叔黨

善射與養由基齊

左傳

虺之先有潘崇為大子商臣師弒成王見逆臣傳

伍參 伍舉 伍鳴 伍奢 伍尚

伍參者莊王之嬖人也莊王十七年

宣十二年

我伐鄭既及

鄭平晉救之濟河王以北師次于郕

鄭地

將飲馬于河而

歸聞晉師既濟王欲還參欲戰令尹為艾獵

即孫叔教

曰昔

歲入陳今茲入鄭不無事矣戰而不捷參之肉其足食

乎參曰若事之捷孫叔教為無謀矣不捷參之肉將在

晉軍可得食乎令尹南轅反旆參言于王曰晉之從政

者新未能行令其佐先穀剛愎不仁未肯用命其三帥者專行不獲聽而無上衆誰適從此行也晉師必敗且君而逃臣若社稷何王病之告令尹改乘輅而北之遂敗晉師于邲舉是為椒舉參之子也舉娶于王子牟

康王十三年

襄二十六年

王子牟為申公而亡國人曰伍舉

實送之舉奔鄭遂將奔晉初伍參與蔡大師子朝友其子聲子與舉善聲子將如晉過之于鄭郊及還如楚為言于屈建

詳蔡朝傳

建言諸王益其爵祿而復之聲子使伍



鳴逆之鳴即椒鳴舉之子也伍舉于是復歸于楚郊教

四年

昭元年

令尹公子圍聘于鄭且娶于公孫段氏舉為

介既聘將以衆逆女公孫僑辭曰敝邑褊小請墀聽命

欲于城外除地為墀行昏禮

舉知其有備也請垂橐而入

垂橐示無弓

逆

而出遂會于號冬公子圍又將聘于鄭舉為介未出竟

聞王有疾圍還舉遂聘圍至遂弑郊敖使赴于鄭舉問

應為後之辭對曰寡大夫圍舉更之曰共王之子圍為

長圍立是為靈王靈王三年

昭四年

王使舉如晉求諸侯

舉致命曰寡君使舉曰日君有惠賜盟于宋曰晉楚之  
從交相見也以歲之不易寡人願結驩于二三君使舉  
請間君若苟無四方之虞則願假寵以請于諸侯晉許  
之舉遂請昏亦許之夏六月王合諸侯于申舉言于王  
曰臣聞諸侯無歸禮以為歸今君始得諸侯其慎禮矣  
霸之濟否在此會也夏啟有鈞臺之享商湯有景亳之  
命周武有孟津之誓成有岐陽之蒐康有鄴宮之朝穆  
有塗山之會齊桓有召陵之師晉文有踐土之盟君其

何用宋向戌鄭公孫僑在諸侯之良也君其選焉王曰  
吾用齊桓王使問禮于向戌及公孫僑戍獻公合諸侯  
之禮六僑獻伯子男會公之禮六王使舉侍于後以規  
過卒事不規王問其故對曰禮吾未見者有六焉又何  
以規宋太子佐後至王田于武城久而弗見舉請辭焉  
王使往曰屬有宗祧之事于武城寡君將墮幣焉

恨其後至

故言將因諸侯會布幣乃相見

敢謝後見王示諸侯侈舉曰夫六王二

公之事皆所以示諸侯禮也諸侯所由用命也夏桀為

仍之會有緡叛之商紂為黎之蒐東夷叛之周幽為大  
室之盟戎狄叛之皆所以示諸侯汰也諸侯所由棄命  
也今君以汰無乃不濟乎王弗聽秋七月王以諸侯伐  
吳克朱方執齊慶封將戮之舉曰臣聞無瑕者可以戮  
人慶封唯逆命是以此其肯從于戮乎播于諸侯焉  
用之王弗聽負之斧鉞以徇于諸侯使言曰無或如齊  
慶封弑其君弱其孤以盟其大夫慶封曰無或如楚共  
王之庶子圍弑其君兄之子廩而代之盟諸侯王使

速殺之遂以諸侯滅賴賴子面縛銜璧士袒輿櫬從之  
造于中軍王問諸舉對曰成王克許許僖公如是王親  
釋其縛受其璧焚其櫬王從之八年

昭九年

我遷許于夷

取州來淮北之田以益之舉授許男田

左傳

初靈王為章華之臺與舉升馬曰臺美夫對曰臣聞國  
君服寵以為美安民以為樂聽德以為聰致遠以為明  
不聞其以土木之崇高彫鏤為美而以金石匏竹之昌  
大囂庶為樂不聞其以觀大視侈淫色以為明而以察

清濁為聰也先君莊王為匏居之臺高不過望國氛大  
不過容宴豆大不妨守備用不煩官府民不廢時務官  
不易朝常問誰宴焉則宋公鄭伯問誰相禮則華元駟  
駢問誰贊事則陳侯蔡侯許男頓子其大夫侍之先君  
是以除亂克敵而無惡于諸侯今君為此臺也國民罷  
馬財用盡焉年穀敗焉百官煩焉舉國留之數年乃成  
願得諸侯與始升馬諸侯皆距無有至者而後使大宰  
彊請于魯侯懼之以蜀之役而僅得一來使富都那豎

贊焉

富富容貌都閑也那美也豎未冠者也

而使長鬣之士相焉臣不知

其美也夫美也者上下内外小大遠邇皆無害焉故曰

美若于目觀則美縮于財用則匱是聚民利以自封而

瘠民也胡美之為夫君國者將民之與處民實瘠矣君

安得肥斂民利以成其私欲使民蒿焉忘其安樂而有

遠心其為惡也甚矣安用目觀若君謂此臺美而為之

正楚其殆矣

國語

舉子二鳴奢奢為連尹平王即位使奢為大子建師費

無極為少師無寵平王六年

昭十九年

無極為建聘于秦勸

王取之又言于王使建居城父明年無極譖于王曰建

與伍奢將以方城之外叛王信之問于奢奢對曰君一

過多矣

謂納建妻

何信于讒王執奢大子建奔宋奢之子尚

尚弟員尚為棠君無極曰奢子材召之彼仁必來不然

將為患王使召之曰來吾免而父尚謂員曰爾適吳我

將歸死吾知不逮我能死爾能報聞免父之命不可以

莫之奔也親戚為戮不可以莫之報也奔死免父孝也



度功而行仁也擇任而往知也知死不辟勇也父不可

棄名不可廢爾其勉之相從為愈

比之相從俱奔俱死為勝

尚歸奢

聞員不來曰楚君大夫其盱食乎遂皆殺之

左傳

伍員見吳傳

論曰叔敖稱善謀邲之役則伍參主之兼聽斯聰擇善  
斯從在君而已叔舉習儀納君于禮然而邲教之際與  
綢繆焉不正其始顧正其終所謂飲人狂藥責人正禮  
者非邪奢遭讒構之會父子冤死悲夫

# 倚相

倚相楚左史也初事靈王繼事平王昭王倚相廷見申

公史老

字子  
亶

史老不出倚相謗之大夫舉伯以告史老

怒而出曰女無亦謂我老髦而舍我而又謗我倚相曰  
唯子老髦故欲見以交儆子若子方壯能經百事倚相  
將奔走承序于是不給而何暇得見昔衛武公年數九  
十有五矣猶箴儆于國曰自卿以下至于師長士苟在  
朝者無謂我老髦而舍我必恭恪于朝朝夕以交戒聞

一二之言必誦志而納之以訓道我在興有旅賁之規  
位寧有官師之典倚几有誦訓之諫居寢有誓御之箴  
臨事有誓史之道宴居有師工之誦史不失書矇不失  
誦以訓御之于是乎作懿戒以自儆也及其沒也謂之  
叡聖武公子實不叡聖于倚相何害周書曰文王至于  
日中昃不遑暇食患于小民唯政之恭文王猶不敢惰  
今子老楚國而欲自安也以禦數者王將何為若常如  
此楚其難哉史老曰老之過也乃驟見之公子結欲以

其妾為內子

適妻曰內子

訪之倚相曰吾有妾而愿欲笄之

笄內子首服

其可乎對曰昔先大夫子囊違王之命諡

公子貞違

王命而諡王曰共

子夕嗜芰子木有羊饋而無芰薦

屈建違父命以羊饋

易芰薦

君子曰違而道穀陽豎愛子反之勞也而獻飲焉

以斃于鄢

鄢陵之戰王召公子側側醉不能見王王適側自殺

芊令申亥從靈王

之欲以隕于乾谿

申亥求靈玉以歸王謚申亥以二女殉而葬之

君子曰從而

逆君子之行欲其道也故進退周旋唯道之從夫子木

能違若教之欲以之道而去芰薦吾子經楚國而欲薦

芟以千之其可乎公子結乃止

國語

韓非子荆伐陳吳救之軍間三十里雨十日夜星倚  
相謂子期曰雨十日甲緝而兵聚吳人必至不如備  
之乃為陳陳未成而吳人至見荆陳而反倚相曰吳  
反復六十里其君子必休小人必食我行三十里擊  
之必可敗也從之遂破吳軍

白公子張

白公子張

名未詳

楚大夫也靈王虐子張驟諫王患之謂

史老

即申公  
子蟄

曰吾欲已子張之諫若何對曰用之實難

已之易矣若諫君則曰余左執鬼中右執殤宮

中身也  
禮曰其

中退然天死曰殤宮殤之居也謂北  
其祿藉制服其身而知其居處也

凡百箴諫吾盡聞

之矣寧聞它言子張又諫王如史老之言對曰昔殷武

丁能聳其德至于神明以入于河自河徂亳于是乎三

年默以思道卿士患之曰王言以出令也若不言是無

所稟令也武丁于是作書曰以余正四方余恐德之不

類茲故不言如是而又使以象夢求四方之賢聖得傅

說以來升以為公而使朝夕規諫曰必交修余無余棄也今君或者未及武丁而惡規諫者不亦難乎齊桓晉文皆非嗣也還軫諸侯不敢淫逸心類德音以得有國近臣諫遠臣謗與人誦以自誥也是以其人也四封不備一同而至于有畿田以屬諸侯至于今為令君君不度憂于二令君而欲自逆也無乃不可乎周詩有之曰弗躬弗親庶民弗信臣懼民之不信君也故不敢不言不然何急其以言取罪也王病之曰子復語不穀雖不

能用吾愁寘之于耳對曰賴君之用也故言不然巴浦

之犀辟兕象其可盡乎其又以規為瑱也

瑱所以塞耳言四獸之牙

角為瑱難盡而又以規諫為瑱以塞耳乎

遂趨而退歸杜門不出

周語

論曰宿善不祥語不用而寘之耳猶之瑱也不且甚于宿乎倚相良史見褒虐主而規箴無聞獻飲乎抑去芟乎



尚史卷五十七

欽定四庫全書

史部  
尚史卷五十八  
至六十八

御史<sub>臣</sub>李陽榘覆勘

總校官檢討<sub>臣</sub>何思鈞

欽定四庫全書

尚史卷五十八

列傳三十六

鑲白旗漢軍李鐸撰

楚諸臣傳

鬻拳 石奢

鬻拳事文王嘗強諫王王弗從臨之以兵懼而從之鬻  
拳曰吾懼君以兵罪莫大焉遂自刎也楚人以為大閭  
謂之大伯文王十五年

莊十九年

巴人叛王禦之大敗于津

楚地

還鬻拳弗納遂伐黃敗黃師于踏陵

黃地

還及湫薨鬻

拳莖諸夕室亦自殺也而莖于經皇

左傳

石奢者昭王相也堅直廉正無所阿避行縣道有殺人者相追之乃其父也縱其父而還自繫焉使人言之王曰殺人者臣之父也夫以父立政不孝也廢法縱罪非忠也臣罪當死王曰退而不及不當伏罪子其治事矣奢曰不私其父非孝子也不奉主法非忠臣也王赦其罪上惠也伏誅而死臣職也遂不受令自刎而死

史記

韓

詩外傳作石奢為昭

王理呂覽作石渚

### 鍾儀 枝如子躬

鍾儀為鄭公共王七年

成七年

我伐鄭鄭軍我師囚儀獻

諸晉晉人以儀歸囚諸軍府九年

成九年

晉侯觀于軍府

見儀問之曰南冠而縶者誰也有司對曰鄭人所獻楚

囚也使稅之召而弔之再拜稽首問其族對曰泠人也

樂官公曰能樂乎對曰先父之職官也敢有二事使與之

琴操南音公曰君王何如對曰非小人之所以得知也固

問之對曰其為大子也師保奉之以朝于嬰齊而夕于側也不知其他公語士變變曰楚囚君子也言稱先職不背本也樂操土風不忘舊也稱大子抑無私也名其二卿尊君也不背本仁也不忘舊信也無私忠也尊君敏也君盍歸之使合晉楚之成公重為之禮使歸求成王使公子辰如晉報儀之使平王時有枝如子躬為大夫平王新立使子躬聘于鄭且致隼櫟之田

本鄭邑楚取之今還

以賂鄭

事畢弗致

知鄭自服不須賂

鄭人請曰聞諸道路將命寡

君以犂櫟敢請命對曰臣未聞命既復王問犂櫟降服而對曰臣過失命未之致也王執其手曰子毋勤姑歸不穀有事其告子也

左傳

### 穿封戌

穿封戌楚大夫康王十三年

襄二十六年

我侵吳遂侵鄭至

于城麋鄭皇頡戌之出與我師戰師敗戌囚皇頡公子圍爭之正于伯州犂伯州犂曰請問于囚乃立囚伯州犂曰所爭君子也其何不知上其手曰夫子為王子圍

寡君之貴介弟也下其手曰此子為穿封戌方城外之

縣尹也誰獲子囚曰顓遇王子弱焉

顓解其意言為王子所得

戌怒

抽戈逐王子圍弗及康王薨王子圍弑郊敖自立是為

靈王靈王七年

昭八年

王滅陳使戌為陳公曰城麋之役

不諠侍飲酒于王王曰城麋之役女知寡人之及此女

其辟寡人乎對曰若知君之及此臣必致死禮以息楚

言蚤知靈王篡弑必為邾敖致死殺君以寧楚左傳

郤宛

子惡



卻寃字子惡為左尹昭王元年

昭二十七年

吳因我喪使公

子掩餘燭庸伐我圍潛寃及工尹壽帥師救潛吳師不能退吳光弑王僚掩餘燭庸出奔我師聞吳亂而還寃直而和國人說之費無極與馮將師比而惡之無極謂令尹囊瓦曰子惡欲飲子酒又謂寃令尹欲飲酒于子氏寃曰我賤人也不足以辱令尹令尹將必來辱為惠已甚吾無以酬之若何無極曰令尹好甲兵子出之吾擇焉取五甲五兵曰寘諸門令尹至必觀之而從以酬

之及饗日惟諸門左無極謂囊瓦曰吾幾禍子子惡將  
為子不利甲在門矣子必無往且此役也吳可以得志  
子惡取賂焉而還又誤羣帥使退其師曰乘亂不祥吳  
乘我喪我乘其亂不亦可乎囊瓦使視郤氏則有甲焉  
不往召鄢將師而告之將師退遂令攻郤氏且藝之宛  
聞之遂自殺國人弗藝令曰不藝郤氏與之同罪或取  
一編管焉或取一秉秆焉國人投之遂弗藝也囊瓦炮  
之盡滅郤氏之族黨于是國言未已進胙者莫不謗囊

瓦明年瓦殺費無極鄔將師亦盡滅其族以說于國謗

言乃止

左傳

論曰鬻拳兵諫左氏以為愛君而范甯以為譏卻宛無罪而杜預以近讒為之罪嗟夫悠悠之論將安適從兵諫以自刑信非中道矣若卻宛者罪不奸上德及國人令尹惑讒而果于藝之罪不在瓦而宛是求春秋之旨寧如是乎夫殺大夫有罪例書名左氏之論也然余竊疑之以其不中厥中也靈王暴虐淫刑以逞顧休休于

穿封戌申無宇異哉

廬戢黎

叔麋  
子揚憲附

左司馬販

廬戢黎為廬大夫莊王即位鬪克公子變作亂以王出

將如商密戢黎及叔麋誘之遂殺鬪克公子變三年

文十

<sup>六</sup>庸叛我戢黎侵庸及庸方城庸人逐之囚子揚憲既

而王來會師遂滅庸叔麋者戢黎之佐子揚憲其官屬

也昭王時有左司馬販昭王二十五年

哀四年

夷虎叛

蠻夷我

克之乃謀北方販及申公壽餘葉公諸梁致蔡于負函

致方城之外於繒闕曰吳將沂江入郢將奔命焉為一

昔之期襲梁及霍

偽辭當備吳夜結期襲梁霍一昔一夜也

單浮餘夫大圍蠻

氏蠻氏潰蠻子赤奔晉陰地取起豐析與狄戎

發二邑人及戎

狄以臨上雒左師軍于菟和右師軍于倉野使謂陰地

之命大夫士蔑曰晉楚有盟好惡同之若將不廢寡君

之願也不然將通于少習

武闕道

以聽命晉執蠻子與其

五大夫以畀我師于三戶取致邑立宗焉以誘其遺民

而盡俘以歸

左傳

樂伯 許伯 攝叔

樂伯許伯攝叔並楚大夫邲之役許伯御樂伯攝叔為

右以致晉師許伯曰吾聞致師者御靡旌摩壘而還靡旌

驅疾摩壘近敵也樂伯曰吾聞致師者左射以蔽左車左蔽夫之善者代

御執轡御下兩馬掉鞅而還兩飾也掉正也使御下車飾馬正鞅以示閑暇也

攝叔曰吾聞致師者右入壘折馘執俘而還皆行其所

聞而復晉人逐之左右角之樂伯左射馬而右射人角

不能進矢一而已麋興于前射麋麗龜龜麋背隆高當心者晉鮑

癸當其後使攝叔奉麋獻焉曰以歲之非時獻禽之未至敢膳諸從者鮑癸止之曰其左善射其右有辭君子也遂免左傳

養由基

叔山冉附

工尹商陽

巢牛臣

風湖子薛燭附

養由基即養叔以善射名莊王十七年宣十二年邲之役王

為乘廣三十乘分為左右廣雞鳴而駕日中而說說舍也

左則受之日入而說許偃御右廣由基為右彭名御左

廣屈蕩為右王乘左廣敗晉師于邲共王十六年成十六年

鄆陵之役彭名御王潘黨為右黨與由基蹲甲而射之

徹七札焉以示王曰君有二臣如此何憂于戰王怒曰

大辱國詰朝爾射死藝

賤其以射自多必以藝死

及戰晉呂錡射王

中目王召由基與之兩矢使射呂錡中項伏弋以一矢

復命我師薄于險叔山冉謂由基曰雖君有命為國故

子必射乃射再發盡殪叔山冉搏人以投中軍折軾晉

師乃止共王薨康王即位吳侵我由基奔命公子午以

師繼之由基曰吳乘我喪謂我不能師也必易我而不

戒子為三覆以待我我請誘之公子午從之戰于庸浦



大敗吳師獲公子黨康王以公子午為令尹由基為宮廐尹

左傳

呂氏春秋荆王有白猿王自射之則搏樹而嬉使養  
由基射之始調弓矯矢未發猿擁樹而號矣尸子王  
命養由基射蜻蛉王曰吾欲得之養由基援弓而射  
之拂左翼王大喜

又有工尹商陽商陽與陳棄疾追吳師及之陳棄疾謂商  
陽曰王事也子手弓而可手弓子射諸射之斃一人聶弓人及謂  
之又斃二人每斃一人揜其目止其御曰朝不坐燕不與殺三人

亦足以反命矣孔子曰殺人之中又有禮焉

記檀弓

按傳公子棄疾為蔡公經曰陳棄疾是嘗為陳公也

又有巢牛臣巢人也康王十二年

襄二十五年

吳子諸樊伐

我門于巢牛臣曰吳王勇而輕若啟之將親門我獲射之必殪是君也死疆其少安從之吳子門焉牛臣隱于

短牆以射之卒

左傳

風胡子楚人能相劍薛燭越之能相劍者也吳越春秋吳王有女滕玉因謀伐楚與夫人及女會蒸魚王

前嘗半而與女女怒曰王食魚辱我乃自殺闔廬痛  
之葬于閭門外鑿池積土文石為槨題湊為中金鼎  
玉杯銀樽珠襦之寶皆以送女乃舞白鶴于市令萬  
民隨而觀之還使男女與鶴俱入羨門發機掩之湛  
盧之劍惡闔廬之無道也去而出水行如楚楚昭王  
卧而寤得劍于牀乃召風湖子而問曰寡人卧覺而  
得寶劍不知其名是何劍也風湖子曰臣聞吳王得  
越所獻劍三一日魚腸二曰磐郢三曰湛盧魚腸已用殺

王僚磐郢以送其死女今湛廬入楚也曰湛廬所以去者何也風胡子曰臣聞越王元常使歐冶子造劍五以示薛燭燭曰魚腸逆理不順不可服也臣以殺君子以殺父故闔廬以殺王僚磐郢亦曰豪曹不法之物無益于人故以送死湛廬五金之英太陽之精寄氣託靈出之有神服之有威可以折衝拒敵然人君有逆理之謀其劍即出今吳王無道殺君謀楚故湛廬入楚昭王曰其直幾何風胡子曰臣聞此劍在

越之時客有酬其直者有市之鄉三十駿馬千萬戶  
之都二薛燭對曰赤堇之山已令無雲若邪之溪深  
而莫測羣臣上天歐冶死矣雖傾城量金珠玉盈河  
猶不能得此寶而況有市之鄉駿馬千匹萬戶之都  
何足言昭王大說遂以為寶越絕書越王句踐有寶  
劍五客有能相劍者名薛燭王召而問之曰吾有寶  
劍五請以示之使取毫曹燭曰非寶劍也寶劍五色  
並見莫能相勝毫曹擅名矣非寶劍也王曰取巨闕

燭曰非寶劍也寶劍者金錫和銅而不離巨闕已離  
矣非寶劍也王曰然巨闕初成之時吾坐露壇之上  
宮人有四駕白鹿而過者車奔鹿驚吾引劍而指之  
四駕上飛揚不知其絕也穿銅釜絕鐵鏹胷中決如  
案米故曰巨闕王取純鉤燭聞之忽如敗有頃懼簡  
衣而坐望之手拂揚其華粹如芙蓉始出觀其鈇爛  
如列星之行其光渾渾如水之溢于塘其斷巖巖如  
瑣石其才煥煥如冰釋此所謂純鉤邪王曰是也客

有直之者有市之鄉二駿馬千匹千戶之都二可乎  
燭曰不可當造此劍之時赤堇之山破而出錫若邪  
之溪涸而出銅雨師灑掃雷公擊橐蛟龍捧鑪天帝  
裝炭太一下觀天精下之歐冶乃因天之精神悉其  
伎巧造為大刑三小刑二一日湛盧二曰純鉤三曰  
勝邪四曰魚腸五曰巨闕吳王闔廬之時得其勝邪  
魚腸湛盧闔廬無道子女死殺生以送之湛盧之劍  
去之如水行秦過楚楚王卧而寤得湛盧之劍將首

魁漂而存焉秦王聞而求不得興師擊楚王不與闔  
廬又以魚腸之劍刺吳王僚此其小試于敵邦未大用  
于天下也今赤壁之山已合若邪溪深不測羣神不下  
歐冶子即死雖傾城量金珠玉竭河猶不能得此一  
物也楚王召風湖子而問曰寡人聞吳有干將越有  
歐冶子此二子甲世而生精誠上通願齋重寶奉子  
因吳王請二人作劍可乎風湖子曰善于是乃令風  
湖子之吳見歐冶子干將歐冶子干將鑿茨山洩其



溪取鐵英作劍三畢成風湖子奏之楚王王問之曰  
三劍何物所象其名為何風湖子曰一曰龍淵二曰  
泰阿三曰工布王曰何為龍淵泰阿工布風湖子曰  
龍淵狀如登高山臨深淵泰阿鉞巍巍翼翼如流水  
之波工布鉞從文起至脊而止如珠不可衽文若流  
水不絕晉鄭王聞而求之不得興師圍楚城三年不  
解楚王聞之引泰阿之劍登城而麾之三軍破敗士  
卒迷惑楚王大說曰此劍威邪寡人力邪風湖子曰

劍之威也因大王之神軒轅神農赫胥之時以石為  
兵斷樹木為宮室死而龍藏至黃帝之時以玉為兵  
以伐樹木為宮室死而龍藏禹穴之時以銅為兵以  
鑿伊闕通龍門決江導河東注于東海天下通平治  
為宮室豈非聖主之力哉當此之時作鐵兵威服三  
軍此亦鐵兵之神大王有聖德楚王曰寡人聞命矣  
二說荒漫而其文甚奇世艷傳之故附養叔之末  
論曰易有之師出以律否臧凶之數子者雖不中律而

出奇應卒以克彊禦侮亦一日之雋也死藝之戒豈唯  
養叔能者警諸

伯州犁

伯州犁晉伯宗之子也共王十五年

成十五年

晉殺伯宗州

犁奔楚為楚大宰明年晉伐鄭王救之遇于鄢陵王登

巢車

車上為櫓

以望晉軍公子嬰齊使州犁侍于王後王曰

騁而左右何也曰召軍吏也皆聚于中軍矣曰合謀也  
張幕矣曰虔卜于先君也徹幕矣曰將發命也甚囂且

塵上矣曰將塞井夷竈而為行也皆乘矣左右執兵而下矣曰聽誓也戰乎曰未可知也乘而左右皆下矣曰戰禱也及戰王中目我師宵遁康王十四年

襄二十七年

晉

楚成將盟于宋西門之外國人衷甲州犁曰合諸侯之師以為不信無乃不可乎夫諸侯望信于楚是以來服若不信是棄其所以服諸侯也固請釋甲令尹屈建曰晉楚無信久矣事利而已苟得志焉焉用有信州犁退告人曰令尹將死矣不及三年求逞志而棄信志將逞

乎志以發言言以出信信以立志參以定之信亡何以

及三郟敖四年

昭元年

公子圍聘于鄭娶于公孫段氏既

聘將以衆逆鄭患之辭曰請殫聽命

欲于城外除地為殫

公子圍

命州犁對曰君辱貶寡大夫圍謂圍將使豐氏

公孫段氏姓豐氏

撫有而室圍布几筵告于共莊之廟而來若野賜之是

妾君貶于草莽也是寡大夫不得列于諸卿也不寧唯

是又使圍蒙其先君將不得為寡君老其蔑以復矣唯

大夫圖之圍知鄭有備請垂橐而入遂逆而出秋圍使

州犁城隼櫟邾冬圍弑邾敖殺州犁于邾州犁之孫曰  
嚭楚殺卻宛伯氏之族出奔吳嚭遂仕吳亦為大宰

左傳

然丹

歲尹宜  
咎附

然丹字子革鄭穆公孫公子然之子也鄭殺公子嘉丹  
奔楚為右尹靈王三年

昭四年

吳伐我使丹城州來箴尹

宜咎城鍾離八年

昭九年

我遷許于城父使丹遷城父人

于陳以夷濮西田益之十一年

昭十二年

王狩于州來次于

潁尾使蕩侯潘子司馬督囂尹午陵尹喜

五子並  
楚大夫

帥師

圍徐以懼吳王次于乾谿以為之援雨雪王皮冠秦復

陶

秦所遺羽衣

翠被豹舄執鞭以出僕析父從

楚大夫子皙

丹夕

夕莫見也王見之去冠被舍鞭與之語曰昔我先王熊繹與

呂伋王孫牟燮父禽父並事康王四國皆有分我獨無有今吾使人于周求鼎以為分王其與我乎對曰與君

王哉昔我先王熊繹辟在荆山篳路

柴車

籃縷以處草莽

跋涉山林以事天子唯是挑弧棘矢以共禦王事齊王舅也晉及魯衛王母弟也楚是以無分而彼皆有今周

與四國服事君王將唯命是從豈其愛鼎王曰昔我皇祖伯父昆吾舊許是宅今鄭人貪賴其田而不我與我若求之其與我乎對曰與君王哉周不愛鼎鄭敢愛田王曰昔諸侯遠我而畏晉今我大城陳蔡不羹賦皆千乘子與有勞焉諸侯其畏我乎對曰畏君王哉是四國者專足畏也又加之以楚敢不畏君王哉工尹路請曰君王命剝圭以為鉞秘敢請命

鉞斧也秘柄也王命破圭玉飾斧柄請其制度

也王入視之僕析父謂丹吾子楚國之望也今與王言



如響國其若之何丹曰摩厲以須王出吾刃將斬矣王  
出復語左史倚相趨過王曰是良史也子善視之是能  
讀三墳五典八索九邱對曰臣嘗問焉昔穆王欲肆其  
心周行天下將皆必有車轍馬跡焉祭公謀父作祈招  
之詩以止王心王是以獲没于祇宮臣問其詩而不知  
也若問遠焉其焉能知之王曰子能乎對曰能其詩曰  
祈招之愔愔式昭德音思我王度式如玉式如金形民  
之力而無醉飽之心王揖而入饋不食寢不寐數日不

能自克明年公子比入自立為王丹請出奔王不可乃

棄王而歸平王元年

昭十四年

王使丹簡上國之兵于宗邱

楚地

且撫其民分貧振窮長孤幼養老疾收介特救災患

宥孤寡赦罪戾詰姦慝舉淹滯禮新敎舊祿勲合親任

良物官息民五年而後用師三年

昭十六年

使丹誘戎蠻子

嘉殺之遂取蠻氏既而復立其子箴尹宜咎者本陳大

夫陳鍼子八世孫鍼宜咎也宜咎黨慶虎慶寅慶氏叛

陳陳討之宜咎奔楚為箴尹

左傳

論曰州犁然丹羈旅異國而各著厥聞亡烏擇木奮迅以鳴誰能遏之祈招之誦謀父再作惜乎靈不逮穆感深而迷亦深矣然而乾谿之潰違故即新方之申亥鬪卒曾不及之何哉州犁比靈而誅于靈抑又何也

諸公子傳

公子元

武王子

王孫啟附

公子元文王之弟也為成王令尹成王六年

莊二十八年子

元欲蠱文夫人為館于其宮側而振萬馬

振動萬馬舞也

夫人

聞之泣曰先君以是舞也習戎備也今令尹不尋諸仇

讐而于未亡人之側不亦異乎御人以告子元曰婦人

不忘襲讐我反忘之以車六百乘伐鄭入于桔柣之門

衆車入自純門及達市鄭縣門不發

縣門施于內城門者不發不閉也

楚言而出子元曰鄭有人焉會諸侯救鄭我師夜遁八

年

莊三  
十年

子元歸自伐鄭而處王宮欲遂蠱文夫人申公

鬬班殺子元

左傳

子元之子啟或譖啟于成王啟奔晉

公子職

公子職成王庶子成王既立商臣為太子又欲立職商臣

遂弑成王

左傳

公子朱 公子茂

公子朱公子茂並楚公子

所出未詳

子朱為息公穆王二年

文三年

子朱圍江晉告于周王叔桓公晉陽處父伐我以

救江門于方城遇子朱而還八年

文九年

子朱自東夷伐

陳陳人敗之獲子茂陳懼及我平鄢陵之役子茂為晉

所獲樂書怨郤至使子茂告晉厲公曰此戰也郤至實

召寡君以東師之未至也與軍帥之不具也曰此必敗  
吾因奉孫周以事君厲公信之殺三郤左傳

公子嬰齊

穆王子  
子重

公子嬰齊字子重莊王之弟也為左尹莊王十六年

宣十

一年嬰齊侵宋王待諸鄉

王孫子莊王攻宋厨有臭肉罇有敗酒子重諫曰君  
厨肉臭不可食敗酒不可飲而三軍有饑色欲以勝  
敵不亦難乎王曰請有酒投之士有食饋之賢

十七年

宣十二年

邲之役沈尹將中軍嬰齊將左公子側將

右敗晉師于邲共王即位嬰齊為令尹公子側為司馬

共王二年

成二年

魯會諸侯伐齊嬰齊救齊將起師嬰齊

曰君弱羣臣不如先大夫師衆而後可詩曰濟濟多士

文主以寧夫文王猶用衆況吾儕乎且先君莊王屬之

曰無德而及遠方莫如惠恤其民而善用之乃大戶

閔民

戶已責逮鰥救乏赦罪悉師王卒盡行侵衛遂侵魯師

于蜀及陽橋魯賂以執斲執鍼織紵皆百人公衡為質

冬及魯侯諸侯之大夫盟于蜀六年

成六年

嬰齊伐鄭

從鄭

晉七年

成七年

嬰齊伐鄭師于汜諸侯救鄭軍我師

軍攻也

因鄭公鍾儀初屈巫

即巫臣

之奔晉也嬰齊及公子側殺

其族而分其室屈巫遺二子書曰余必使爾罷于奔命

而死乃通吳于晉吳始伐楚伐巢伐徐嬰齊奔命秋吳

入州來嬰齊自鄭奔命嬰齊側于是乎一歲七奔命九

年

成九年

晉伐鄭嬰齊侵陳以救鄭冬嬰齊自陳伐莒圍

渠邱

莒邑

入之莒人囚公子平國人曰勿殺吾歸而俘莒



人殺之我師圍莒莒潰遂入鄆十六年

成十六年

晉伐鄭我

救之公子側將中軍嬰齊將左公子壬夫將右遇于鄆

陵晉射王中目我師宵遁我殺公子側十七年

成十七年

晉

會諸侯伐鄭嬰齊救鄭師于首止諸侯還十八年

成十八年

宋魚石叛宋圍彭城嬰齊救之伐宋晉救宋遇我師于

靡角之谷我師還二十一年

襄三

嬰齊伐吳為簡之師

也選練

克鳩茲

吳邑

至于衡山使鄧廖帥組甲三百被練三

千

組甲漆甲成組文被練練袍

以侵吳吳人要而擊之獲鄧廖其能

免者組甲八十被練三百而已嬰齊歸飲至三日吳人伐我取駕駕良邑也鄧廖亦楚之良也君子謂嬰齊于是役也所獲不如所亡國人咎嬰齊嬰齊病之遂遇心

疾而卒

左傳

公子側

子反

公子側字子反

所出未詳

初事莊王莊王十九年

宣十四年

側從

王圍宋明年宋華元夜入我師登側之牀起之曰寡君使元以病告雖然城下之盟有以國斃不能從也去我

三十里唯命是聽側懼與之盟而告王退三十里

宋及我平莊王薨事共王為司馬共王四年

成四年

鄭疆許田許人敗諸展陂鄭伐許晉救許以伐  
鄭側救鄭鄭伯與許男訟焉皇戌攝鄭伯之辭側  
不能決也曰君若辱在寡君寡君與其二三臣共聽兩  
君之所欲成其可知也不然側不足以知二國之成十  
二年

成十二年

我及晉成盟于宋晉卻至來聘且涖盟王享

之側相為地室而縣焉卻至將登金奏作于下驚而走

出側曰日云莫矣寡君須矣吾子其入也賓曰君貺之  
以大禮重之以備樂如天之福兩君相見何以代此下  
臣不敢側曰如天之福兩君相見無亦唯是一矢以相  
加遺焉用樂

言兩君戰乃相見無用此樂

寡君須矣吾子其入也賓

曰若讓之以一矢禍之大者其何福之為十五年

成十五年

我將侵鄭衛公子貞曰新與晉盟而背之無乃不可乎

側曰敵利則進何盟之有遂侵鄭侵衛十六年

成十六年鄭

叛晉從我晉伐鄭我救之側將中軍夏六月晉楚遇于

鄆陵及戰晉射王中目獲我公子茂鄭伯奔其右唐荀  
死之旦而戰見星未已側命軍吏察夷傷補卒乘繕甲  
兵展車馬雞鳴而食唯命是聽晉人患之苗賁皇徇曰  
蒐乘補卒秣馬利兵脩陳固列蓐食申禱明日復戰乃  
逸楚囚王聞之召側謀穀陽豎側內豎獻飲于側側醉而  
不能見王曰天敗楚也夫余不可以待乃宵遁師還及  
瑕王使謂側曰先大夫之覆師徒者君不在子無以為  
過不穀之罪也側再拜稽首曰君賜臣死死且不朽臣

之卒實奔臣之罪也公子嬰齊與側相惡及是嬰齊謂側曰初隕師徒者而亦聞之矣盍圖之對曰雖微先大夫有之大夫命側側敢不義側亡君師敢忘其死王使止之弗及而卒

左傳

韓非子子反嗜酒而醉戰既罷共王召子反子反辭以疾共王自往入其幄聞酒臭而還于是還師而斬子反

公子丙 公子平

公子丙公子平並楚羣公子也丙事莊王莊王之伐蕭也蕭人囚熊相宜僚及丙王曰勿殺吾退蕭人殺之王怒圍蕭蕭潰遂滅蕭平事共王公子嬰齊之伐莒入渠邱也莒人囚平楚人曰勿殺吾歸而俘莒人殺之我師圍莒莒潰遂入鄆

左傳

公子壬夫

公子何忌附

公子壬夫字子辛

所出未詳

初為右尹事共王共王十六年

成十六年

鄢陵之役壬夫將右及戰我師敗績十八年

成十八年

宋魚石五大夫叛壬夫及鄭師侵城郛取幽邱並宋邑同

伐彭城納五夫夫以三百人戍之而還十九年襄元年諸

侯伐鄭壬夫救之侵宋呂留二十一年襄三年公子嬰齊

卒以壬夫為令尹壬夫侵欲于小國陳遂叛使公子何

忌侵陳二十三年襄五年討陳叛故殺壬夫左傳

何忌為司馬亦羣公子

公子橐師 公子罷戎

公子橐師公子罷戎並事共王為大夫共王之敗于鄢



陵也舒庸人道吳圍巢伐駕圍釐楚四邑

巢駕釐也

遂恃吳

而不設備共王十七年

成十七年

索師襲舒庸滅之二十七

年

襄九年

王伐鄭鄭及我平使罷戎入盟同盟于中分共

王薨康王即位以索師為右司馬以罷戎為右尹

左傳

公子格 王子勝

公子格公子勝並羣公子格事康王勝事平王為左尹

康王三年

襄十六年

許請遷于晉許大夫不可晉將伐許鄭

伯從夏晉伐許遂伐我格帥師及晉師戰于湛阪我師

敗績晉遂侵方城之外復伐許而還平王五年

昭十年

王

子勝言于王曰許于鄭仇敵也而居楚地以不禮于鄭

晉鄭方睦鄭若伐許而晉助之楚喪地矣君盍遷許許

不專于楚

不專心事楚

鄭方有令政許曰余舊國也鄭曰余

俘邑也葉在楚國方城之外蔽也土不可易國不可小

許不可俘讐不可啟君其圖之王說使勝遷許于析

左傳

公子魴 公子齕

公子魴字子魚亦羣公子平王時陽句為令尹魴為司

馬四年

昭十七年

吳伐我陽句卜戰不吉魴曰我得上流何

故不吉且楚故司馬令龜我請改卜令曰魴也以其屬

死之楚師繼之尚大克之吉戰于長岸魴先死我師繼

之大敗吳師獲其乘舟餘皇吳取餘皇復大敗我師康

王時遂子馮為令尹公子齿為司馬齿亦羣公子也

左傳

公子申

公子成

公子寅

公子罷

公子辰

公子申公子成並事共王公子申為右司馬共王六年

成六年

我伐鄭晉救之遂侵蔡申及成以申息之師救蔡

禦諸桑隧晉師還九年

成九年

我以重賂求鄭鄭伯會公

子成于鄧十五年

成十五年

許畏偪于鄭請遷于我公子申

遷許于葉十六年

成十六年

王自武城使公子成以汝陰之

田求成于鄭鄭叛晉及王盟于武城十七年

成十七年

使公

子成公子寅戍鄭諸侯圍鄭使公子申救鄭師于汝上

諸侯還公子申為右司馬多受小國之賂以偪公子嬰

齊二十年

襄二

國人殺之康王即位以公子成為左司

馬公子寅亦羣公子又有公子罷公子辰我殺屈巫罷

分子蕩

屈巫族

之室共王時晉楚成郤至來聘罷如晉報

聘及晉侯盟于赤棘公子辰字子商為共王大宰晉歸

我鍾儀王使辰如晉報鍾儀之使請修好結成

左傳

論曰令尹司馬並以宗支便蕃左右顧乃腊肉淫人食而遇毒五北之繇卒階入郢一歲七奔猶為幸夫仲尼曰臨事而懼好謀而成敗而醉戰而喪其良其于勇也後矣

尚史卷五十八

欽定四庫全書

尚史卷五十九

列傳三十七

鑲白旗漢軍李鐸撰

楚諸臣傳

公子穀臣

公子穀臣莊王之子也莊王十七年

宣十二年

邲之役我獲

晉荀瑩瑩父荀首以其族反之射連襄老獲之遂載其

尸又射穀臣囚之以二者還共王三年

成三年

晉歸穀臣

及襄老之尸我歸晉荀瑩

左傳

公子貞

子囊

囊瓦

子常

公子宜穀

公子繁

史皇附

公子貞字子囊莊王之子也共王二十三年

襄五年

陳叛

我由令尹公子壬夫實侵欲焉乃殺壬夫以貞為令尹

冬貞伐陳二十五年

襄七年

貞圍陳二十六年

襄八年

鄭侵

蔡貞討之伐鄭鄭成二十七年

襄九年

秦來乞師王許之

貞曰不可當今吾不能與晉爭晉君類能而使之舉不

失選官不易方其卿讓于善其大夫不失守其士競于



教其庶人力于農穡商工皂隸不知遷業韓厥老矣知  
鑿粟焉以為政范匄少于中行偃而上之使佐中軍韓  
起少于欒黶而欒黶士魴上之使佐上軍魏絳多功以  
趙武為賢而為之佐君明臣忠上讓下競當是時也晉  
不可敵事之而後可君其圖之王曰吾既許之矣雖不  
及晉必將出師秋王師于武城以為秦援二十八年襄十  
年  
貞及鄭師圍宋門于桐門秋貞及鄭師侵魯還圍蕭克  
之諸侯伐鄭貞救之諸侯之師與我師夾潁而軍鄭宵

涉潁與我盟諸侯之師還二十九年

襄十一年

諸侯伐鄭鄭及

晉成貞乞旅于秦及秦師從王將伐鄭鄭伯逆之遂伐

宋秋諸侯復伐鄭鄭使告于我遂及晉成三十年

襄十二年

貞及秦師伐宋師于楊梁報晉之取鄭也三十一年

襄十三年

王有疾告大夫曰不穀不德亡師于鄆以辱社稷請謚

為靈若厲王薨大夫謀謚貞曰君命以共若之何毀之

請謚為共康王元年

襄十四年

貞師于棠以伐吳

報前年庸浦之役

吳不出而還貞殿以吳為不能而弗傲吳人自皐舟之

隘要而擊之我不能相救吳人敗之獲我公子宜穀冬  
貞還自伐吳卒將死遺言謂公子午必城郢君子謂貞  
忠君薨不忘增其名將死不忘衛社稷可不謂忠乎忠  
民之望也

呂氏春秋荆與吳將戰吳師衆子囊曰我戰必敗敗  
王師辱名虧土忠臣不為也不復于王而遁至于郊  
請死王曰遁以為利也將軍何死子囊曰遁者無罪  
則後皆依不利之名而遁是荆國終為天下撓遂伏

劍而死王曰請成將軍義乃為之桐棺三寸加斧鑕其上

貞孫曰囊瓦瓦字子常事平王平王十年昭二十三年瓦為

令尹城郢以備吳十三年昭二十六年平王薨瓦以大子壬

弱欲立長庶子申即子西申怒欲殺瓦瓦懼乃立壬是為

昭王昭王元年昭二十七年吳因我喪伐我圍潛我救潛瓦

以舟師及沙汭而還夏費無極構大夫卻宛瓦使馮將

師殺之國人謗瓦瓦病之秋殺費無極馮將師詳費無極傳

六年

定二年

吳誘瓦伐吳瓦師于豫章吳敗我師遂克巢

獲我公子繁蔡侯唐侯來朝蔡侯有兩佩與裘唐侯有

兩肅爽馬瓦欲之弗與皆三年止之七年

定三年

唐侯獻

馬瓦歸唐侯蔡人聞之獻佩與裘瓦朝見蔡侯之徒命

有司曰蔡君之久也官不共也明日禮不畢將死遂歸

蔡侯八年

定四年

蔡侯歸會諸侯于召陵侵我沈人不會

蔡滅沈我為沈故圍蔡冬蔡侯吳子唐侯伐我舍舟于

淮汭自豫章與我夾漢左司馬沈尹戌謂瓦曰子汭漢

而與之上下我悉方城外以毀其舟還塞大隧直轅冥

阮

三者漢東  
三隘道

子濟漢而伐之我自後擊之必大敗之既

謀而行武城黑謂瓦曰吳用木也我用革也不可久也  
不如速戰史皇謂瓦曰楚人惡子而好司馬若司馬毀  
吳舟于淮塞城口而入是獨克吳也子必速戰不然不  
免乃濟漢而陳自小別至于大別三戰瓦知不可欲奔  
史皇曰安求其事難而逃之將何所入子必死之初罪  
必盡說十一月二師陳于柘舉吳夫槩王以其屬五千

先擊瓦卒瓦卒奔我師亂吳師大敗之瓦奔鄭史皇以

其乘廣死吳五戰及郢王出奔隨

左傳

公子宜穀公子繁並楚羣公子繁守巢大夫武城黑者  
武城大夫史皇亦楚大夫也

公子午

子庚

公子午字子庚亦莊王之子也初為共王司馬共王三

十年

襄十  
二年

秦嬴歸于我午聘于秦為夫人寧

韓非子荆王弟在秦秦不出也中射之士曰資臣百

金臣能出之因之晉請以百金委叔向叔向見平公  
曰可以城壺邱矣荆王弟在秦秦不出也是秦惡荆  
也必不敢禁我城壺邱若禁之我曰為我出荆王之  
弟彼如出之可以德荆不出是卒惡也必不敢禁我  
城壺邱矣公曰善乃城壺邱秦因出之荆王大說以  
鍊金百鎰遺晉說苑作公子午餘文同 按公子午  
聘秦為好會秦不出午蓋誤

三十一年

襄十三年

共王薨吳乘我喪侵我午大敗吳師于



庸浦

楚地

康王二年

襄十五年

午代公子貞為令尹五年

襄十八年

鄭公子嘉將叛晉起我師以去諸大夫使告午午弗許

王聞之使揚豚尹宜告午曰國人謂不穀主社稷而不

出師死不從禮

言死將不得從先君之禮

不穀即位于今五年師徒

不出人其以不穀為自逸而忘先君之業矣大夫圖之

其若之何午歎曰君王其謂午懷安乎吾以利社稷也

見使者稽首而對曰諸侯方睦于晉臣請嘗之若可君

而繼之不可收師而退可以無害君亦無辱冬午帥師

治兵于汾我師伐鄭鄭完守入保公子嘉不敢會我師  
我右師城上棘涉潁次于旃然為子馮公子嘉率銳師  
侵鄭東北至于蟲牢而反午門于純門信于城下而還  
涉于魚齒之下甚雨及之我師多凍役徒幾盡八年

十一年夏午卒

左傳

公子追舒

子南

棄疾

公子追舒字子南亦莊王之子也康王二年

襄十五年

追舒

為箴尹八年

襄二十一年

代公子午為令尹觀起有寵于追

舒未益祿而有馬數十乘國人患之王將討焉追舒之子棄疾為王御士王每見之必泣棄疾曰君三泣臣矣敢問誰之罪也王曰令尹之不能爾所知也國將討焉

爾其居乎對曰父戮子居君焉用之洩命重刑臣亦不

為九年

襄二十二年

王殺追舒于朝輟觀起于四竟追舒之

臣謂棄疾請徙子尸于朝曰君臣有禮唯二三子三日棄疾請尸王許之既葬其徒曰行乎曰吾與殺吾父行將焉入曰然則臣王乎曰棄父事讐吾弗忍也遂縊而

死

左傳

論曰子囊遺言城郢籌國及死故君子以為忠囊瓦墮德滅防而唯城是圖故司馬以為鄙城郢兆乎入郢矣子庚持重足嗣賢尹子南穢德竟不克終微君陳固難為周畢繼也然子南貪賂辱止塋身囊瓦不度禍延覆國亡臣棲鄭裘馬將焉用之或以棄疾不洩命為有禮非也泥首請命乞以身代不得則負父以亡君子之孝也

公子黑肱

共王子

公子黑肱字子皙共王之子也初為宮廐尹康王十四年

襄二十七年

宋向戌弭諸侯之兵晉楚將盟于宋黑肱先至成

言于晉

成盟誓之言也

鄭教四年

昭元年

令尹公子圍使黑肱城犇櫟

鄭

三邑本鄭地

是年圍弑鄭教公子比出奔晉黑肱出奔鄭圍

自立是為靈王靈王十二年

昭十三年

觀從召比及黑肱入襲蔡遂

入楚比為王黑肱為令尹既而比黑肱皆自殺

左傳

大子建

司馬奮  
揚附

大子建字子木平王大子也平王之在蔡也郕陽封入  
之女奔之生建及即位立為大子使伍奢為之師費無  
極為少師無寵費無極曰建可室矣王為之聘于秦無  
極勸王取女平王六年

昭十九年

使建居于城父

說苑王子建出守城父與成公乾遇于疇中問曰是  
何也成公乾曰疇也疇也者何也曰所以為麻也麻  
也者何也曰所以為衣也成公乾曰昔者莊王伐陳  
舍于有蕭氏謂路室之人曰巷其不善乎何溝之不

浚也莊王猶知巷之不善溝之不浚今子不知疇之  
為麻麻之為衣子其不主社稷乎

七年

昭二  
十年

費無極言于王曰建與伍奢將以方城之外

叛王使城父司馬奮揚殺大子未至而使遣之大子奔  
宋王召奮揚奮揚使城父人執已以至王曰言出于余  
口入于爾耳誰告建也對曰臣告之君王命臣曰事建  
如事余臣不佞不能苟貳奉初以還不忍後命故遣之  
既而悔之亦無及已王曰而敢來何也對曰使而失命

召而不來是再奸也逃無所入王曰歸從政如他日大  
子後辟宋華氏之亂適鄭鄭人甚善之又適晉與晉人  
謀襲鄭乃求復焉鄭人復之如初晉人使謀于大子請  
行而期焉請行襲鄭之期大子暴虐于其私邑邑人訴之鄭人  
省之得晉謀焉遂殺大子大子之子二勝燕並見亂臣

傳

左傳

公子申

子西

公孫寧

公孫朝

公子申

前共王時右司馬公子申別是一人

字子西平王長庶子也平王



薨令尹囊瓦欲立申曰大子壬弱其母非適也大子建實聘之申長而好善立長則順建善則治王順國治可不務乎申怒曰是亂國而惡君王也國有外援不可

瀆也

外援謂秦壬母秦女也

王有適嗣不可亂也敗親速讐亂嗣

不祥我受其名賂吾以天下吾滋不從也楚國何為必

殺令尹囊瓦懼乃立壬是為昭王昭王四年

昭王三年

吳公

子掩餘燭庸來奔王大封而定其徙城養

楚邑

以居之取

于城父與胡田以與之將以害吳也申諫曰吳光新得

國而親其民視民如子辛苦同之將用之也若好吳邊  
疆使柔服焉猶懼其至吾又彊其讐以重怒之無乃不  
可乎吳周之胄裔也而棄在海濱不與姬通今而始大  
比于諸華光又甚文將自同于先王不知天將以為虐  
乎使翦喪吳國而封大異姓乎其抑亦將卒以祚吳乎  
其終不遠矣我盍姑億吾鬼神而寧吾族姓以待其歸  
將焉用自播揚焉王弗聽九年定四年吳入郢王奔隨申  
為王輿服以保路

言偽為王車服以保安道路人

國于脾洩楚聞王所

在而後從王明年申包胥以秦師至申敗吳師于軍祥  
敗之于麋又敗之于公壻之谿冬十月王入郢王之奔  
隨也將涉于成曰藍尹亶涉其帑不與王舟及寧王欲  
殺之申曰囊瓦唯思舊怨以敗君何效焉

國語作藍尹  
亶自解之辭

王曰善使復其所吾以志前惡申代囊瓦為令尹十二

年

定六年

吳敗我舟師獲潘子臣小惟子

舟師  
之帥

及大夫七

人我大惕懼亡公子結又以陵師敗于繁揚申喜曰乃  
今可為矣于是乎遷郢于都而改紀其政以定楚國

越絕書司馬子其令尹子西歸相與計謀子胥不死  
又不入荊邦猶未得安莫若求之而與之同邦乎昭  
王乃使使者報子胥于吳曰昔者先人殺子之父而  
非其罪也今子大夫報寡人也特甚寡人不敢怨子  
子大夫何不來歸子故墳墓丘塚為我邦雖小與子  
同有之子胥曰前報父仇後求其利賢者不為也父  
已死子食其祿非父之義也使還報昭王曰子胥  
不入荊邦明矣 辭意庸姑存異說

二十二年

哀元年

申將圍蔡計板築九日及圍蔡里而栽

去城一里  
栽設板築

廣丈高倍夫屯晝夜九日如申之素蔡人男

女以辨

男女各判  
係累而降

使疆于江汝之間而還吳侵陳大夫

皆懼曰闔廬唯能用其民以敗我于柏舉今聞其嗣又

甚焉將若之何申曰二三子恤不相睦無患吳矣昔闔

廬食不二味居不重席室不崇壇器不彤鏤宮室不觀

舟車不飾衣服財用擇不取費在國天有菑厲親巡孤

寡而共其乏困在軍熟食者分而後敢食其所嘗者卒

乘與焉勤恤其民而與之勞逸是以民不罷勞死知不曠吾先大夫子常易之所以敗我也今聞夫差次有臺榭陂池焉宿有妃嬙嬪御焉一日之行所欲必成玩好必從珍異是聚觀樂是務視民如讐而用之日新夫先自敗也已安能敗我

國語作藍尹壺語

二十七年

哀六年

吳伐陳

王救之將戰王有疾薨于城父申與公子結公子啟謀

潛師閉塗逆越女之子章立之而後還惠王七年

哀十三年

申帥師伐陳九年

哀十五年

申及公子結伐吳及桐汭十年

哀十  
六年

申召故大子建子勝使處吳竟為白公勝勝作亂

殺申及公子結

說苑昭王欲之荆臺游司馬子綦進諫曰荆臺在洞  
庭右彭蠡南望獵山下臨方淮其樂使人遺老而忘  
死願王勿往游焉王曰荆臺吾地也有地而游子何  
為絕我怒而擊之于是令尹子西駕安車四馬徑于  
殿下曰今日荆臺之游不可不觀也王登車而拊其  
背曰荆臺之游與子共樂之步馬十里引轡而止曰

臣不敢下車願得有道王聽之乎王曰言之子西曰  
臣聞為人臣而忠其君者爵祿不足以賞也為人臣  
而諛其君者刑罰不足以誅也若司馬子綦者忠臣  
也若臣者諛臣也願王殺臣而祿司馬子綦王曰我  
能聽公子後世游之無有極時奈何子西曰易耳王  
山陵崩阼為陵于荆臺未嘗有持鐘鼓管絃而游于  
父之墓上者也于是王還車卒不游荆臺

申子二寧朝寧字子國為右司馬惠王十一年

哀十七年王



與沈諸梁卜以寧為令尹十二年

哀十年

巴人伐我園鄆

初寧之卜也開卜大夫觀瞻曰吉如志故命以為右司馬及巴師至將卜帥王曰寧如志何卜焉使帥師而行遂敗巴師于鄆封寧于析

淮南子大宰子朱侍飯于令尹子國子國啜羹而熱投庖漿而沃之明日子朱辭官而歸其僕曰大宰未易得也去之何也子朱曰令尹輕行而簡禮其辱人不難明年伏郎尹而笞之三百按王卜寧為令尹

時有沈尹朱大宰子朱或即其人官謨爾

朝為武城尹白公之亂陳侵我既寧我將取陳麥王卜

帥朝吉使帥師取陳麥陳人御之敗遂滅陳

左傳

公子結

子期

鑪金附

公孫平

公孫寬

魯陽文

子

公子結字子期亦平王之子昭王之兄也昭王十年

定四年

年吳入郢王奔隨吳人從之結似王逃王而已為王曰

以我與之王必免隨人卜與之不吉乃辭吳鑪金者初

官于結及是與隨人要言無出王王使見辭曰不敢以

約為利王割結之心以與隨人盟

當心前割血以盟

十一年

定五

年秦救我敗吳師結及公子蒲滅唐秋吳師敗我師于

雍澨秦師又敗吳師吳師居麋結將焚之公子甲曰父

兄親暴骨焉不能收又焚之不可結曰國亡矣死者若

有知也可以散舊祀豈憚焚之焚之而又戰大敗吳師

王入郢結代沈尹戌為司馬十二年

定六年

吳敗我舟師

結又以陵師

陸師

敗于繁楊二十年

定十四年

結滅頓以頓子

莊歸惠王四年

哀十年

結伐陳

韓非子荆令公子伐陳丈人送之曰晉強不可不慎也公子曰丈人奚憂吾為丈人破晉丈人曰可吾方廬陳南門之外公子曰是何也曰我笑勾踐也為人之如是其易也已獨何為密密十年難乎

九年

哀十五年

結伐吳十年

哀十六年

白公勝作亂殺結于朝結

曰昔者吾以力事君不可以弗終抉豫章

大木

以殺人而

後死

韓非子司馬子期死而浮于江

結子二平寬結死寬代為司馬十三年

哀十九年

寬及公子

慶追越師至冥不及乃還

左傳

結又有子曰魯陽文子

名未

詳或即  
是平寬

惠王以梁與文子

梁楚北境

文子辭曰梁險而在北

境懼子孫之有貳者也夫事君無憾憾則懼偏偏則懼貳夫盈而不偏憾而不貳者臣能自壽也不知其它縱臣得以首領沒懼子孫之以梁之險而乏臣之祀也王曰子之仁不忘子孫施及楚國敢不從子與之魯陽

國語

淮南子魯陽公與韓構難戰酣日暮援戈而撓之日  
為之退三舍

公子啟

子閭

公子啟字子閭亦平王之子昭王之兄也昭王二十七

年哀六年吳伐陳王在城父將救陳卜戰不吉卜退不吉

王曰然則死也命公子申為王不可則命公子結亦不  
可則命啟五辭而後許將戰王薨啟退曰君王舍其子  
而讓羣臣敢忘君乎從君之命順也立君之子亦順也

二順不可失也立惠王而後還惠王十年

哀十六年

白公勝

作亂欲以啟為王啟不可遂劫以兵啟曰王孫若安靖  
楚國匡正王室而後庇焉啟之願也敢不聽從若將專  
利以傾王室不顧楚國有死不能遂殺之

左傳

新序白公勝欲立王子閭子閭不肯劫之以刃曰楚  
國之重天下無有天以與子何不受也子閭曰吾聞  
辭天下者非輕其利明其德也不為諸侯者非惡其  
位潔其行也今見國而忘主不仁也劫白刃而失義

不勇也子雖告我以利威我以兵吾不為也

論曰大子羈旅鄭國顧欲陰賊其所厚倒行逆施有遺  
行焉宜其不得于父而來無極之讒也莫益之或擊之  
勿恒之凶建實速之又誰咎邪子西兄弟終始讓王左  
提右挈用康國難尚矣然而搶攘外內昭奔患劫幾再  
亡國而三良與之嗟夫溯洄其初孽由大子詩曰宗子  
維城母俾城壞又誰之咎耶

王孫由于

王孫賈  
宋木附



王孫由于者又曰吳由于為寢尹昭王十年

定四年

吳之

入郢也王涉睢濟江入于雲中王寢盜攻之以戈擊王

由于以背受之中肩王奔隨由于徐蘇而從明年王入

郢初王在隨公子申為王輿服以保路國于脾洩

偽為王車

服立國于脾洩

事寧王使由于城麋復命公子申問高厚焉弗

知申曰不能如辭城不知高厚小大何知對曰固辭不

能子使余也人各有能有不能王遇盜于雲中余受其

戈其所猶在袒而視之背曰此余所能也脾洩之事余

亦弗能也從王有功者由于及王孫圉王孫賈鬪辛鬪  
巢鬪懷申包胥鍾建宋木凡九人王入皆賞之

左傳

諸鬪申包胥別有傳鍾建見季芊傳宋木他事不載王  
孫賈蓋亦王族也

王孫圉

王孫圉楚大夫事昭王嘗聘于晉定公饗之趙鞅鳴玉  
以相問于圉曰楚之白珩猶在乎對曰然鞅曰其為寶  
也幾何矣曰未嘗為寶楚之所寶者曰觀射父能作訓

辭以行事于諸侯使無以寡君為口實又有左史倚相  
能道訓典以叙百物以朝夕獻善敗于寡君使寡君無  
忘先王之業又能上下說乎鬼神順道其欲惡使神無  
有怨痛于楚國又有藪曰雲連徒洲金木竹箭之所生  
也龜珠齒角皮革羽毛所以備賦用以戒不虞者也所  
以共幣帛以賓享于諸侯者也若諸侯之好幣具而道  
之以訓辭有不虞之備而皇神相之寡君其可以免罪  
于諸侯而國民保焉此楚國之寶也若夫白珩先王之

玩也何寶焉。圉聞國之寶六而已。聖能制議百物以輔相國家則寶之。玉足以庇蔭嘉穀使無水旱之災則寶之。龜足以獻臧不則寶之。珠足以禦火災則寶之。金足以禦兵亂則寶之。山林藪澤足以備財用則寶之。若夫譁囂之美楚雖蠻夷不能寶也。

國語

論曰由于能背受戈而不能城。城必有不足。城者詭辭以蓋之焉。爾簡子鳴玉盛有侈心。白珩之對不待畢辭亦且中餒而已矣。

陽句

子瑕

陽令終

弟完弟佗

公子魴附

陽句字子瑕穆王曾孫也為平王令尹平王四年

十昭

七年吳伐我句卜戰不吉司馬公子魴曰我得上流

何故不吉戰于長岸魴先死我師繼之大敗吳師獲

其乘舟餘皇吳取餘皇復大敗我師六年

昭十九年工

尹赤遷陰于下陰

陰楚邑

句城郟

亦楚邑

魯叔孫婁曰

楚不在諸侯矣自完而已王為大子建聘秦女既

而自取之夏句聘于秦拜夫人也初靈王伐吳

吳子使其弟蹶由犒師靈王執以歸

在昭五年

及是句

謂王曰彼何罪諺所謂室于怒市于色者楚之謂也

舍前之怨可也乃歸蹶由十年

昭二十三年

吳伐州來我

救之吳禦諸鍾離句卒我師燬

吳楚謂火滅為燬言軍主亡其氣衰

也吳遂敗頓胡沈蔡陳許之師于雞父句子三令終

完佗令終為中廐尹昭王元年

昭二十七年

囊瓦殺卻宛並

殺令終及完佗以其黨卻氏也

左傳

沈尹戌

吳句卑附

沈尹戌者莊王曾孫也初仕吳後為楚左司馬事平王

平王六年

昭十年

我城州來

吳邑今城而取之

戌曰楚人必敗昔

吳滅州來子旗請伐之

即蔓城然事見昭十三年

王曰吾未撫吾民

今亦如之而城州來以挑吳能無敗乎侍者曰王施舍

不倦息民五年可謂撫之矣戌曰吾聞撫民者節用于

內而樹德于外民樂其性而無寇讐今宮室無量民人

日駭勞罷死轉忘寢與食非撫之也十年

昭二十年

吳伐

州來我師大奔秋令尹囊瓦城郢戌曰子常

即囊瓦

必亡

郢苟不能衛城無益也古者天子守在四夷天子卑守

在諸侯諸侯守在四鄰諸侯卑守在四竟慎其四竟結

其四援民狎其野三務成功

春夏秋三時之務

民無內憂而又

無外懼國焉用城今吳是懼而城于郢守已小矣卑之

不獲能無亡乎昔梁伯溝其公宮而民潰民棄其上不

亡何待夫正其疆場修其土田險其走集親其民人明

其伍候信其鄰國慎其官守守其交禮不僭不貪不懦

不耆

耆強也

完其守備以待不虞又何畏矣詩曰無念爾



祖聿修厥德無亦監乎若敖蚡冒至于武文土不過同

方百里  
為同

慎其四竟猶不城郢今土數圻

方千里  
為圻

而郢是

城不亦難乎十一年

昭二十  
四年

王為舟師以畧吳疆戍曰

此行也楚必亡邑不撫民而勞之吳不動而速之吳踵

楚而疆場無備邑能無亡乎王及圍陽

楚地

而還吳人踵

我而邊人不備遂滅巢及鍾離戍曰亡郢之始于此在

矣王壹動而亡二姓之帥幾如是而不及郢詩曰誰生

厲階至今為梗其王之謂乎昭王元年

昭二十  
七年

吳公子

掩餘燭庸伐我圍潛莠尹然工尹麋帥師救潛戍帥都

君子與王馬之屬

在都邑之士有復除者與王養馬官屬校人

以濟師與吳

師遇于窮左尹卻宛工尹壽至于潛吳師不能退會吳

光弒王僚我師聞亂而還費無極謂囊瓦曰卻宛取賂

而還又誤羣帥使退其師囊瓦使馮將師殺卻宛及陽

令終

中廐尹

晉陳

大夫

于是國言未已進胙者莫不謗令尹

進胙國中祭祀

戍言于囊瓦曰夫左尹與中廐尹莫知其罪而

子殺之以興謗讟至于今不已戍也惑之仁者殺人

掩謗猶弗為也今吾子殺人以興謗而弗圖不亦異乎  
夫無極楚之讒人也民莫不知去朝吳出蔡侯朱喪大  
子建殺連尹奢屏王之耳目使不聰明不然平王之溫  
惠共儉有過成莊無不及焉所以不獲諸侯邇無極也  
今又殺三不辜以興大謗幾及子矣子而不圖將焉用  
之夫鄢將師矯子之命以滅三族國之良也而不愆位  
吳新有君疆場日駭楚國若有大事子其危哉知者除  
讒以自安也今子愛讒以自危也甚矣其惑也囊瓦曰

是瓦之罪敢不良圖秋殺費無極鄢將師謗言乃止四

年

昭三  
十年

吳使徐人執掩餘鍾吾人執燭庸掩餘燭庸來

奔王使監馬尹大心逆之使居養戍及莠尹然城之將

以害吳冬吳執鍾吾子滅徐徐子來奔戍帥師救徐弗

及遂城夷使徐子處之五年

昭三十  
一年

吳侵我伐夷侵潛

六

並楚  
邑

戍帥師救潛吳師還我師遷潛于南岡而還吳

師圍絃戍及右司馬稽帥師救弦及豫章吳師還十年

年

定四

蔡滅沈我為沈故圍蔡蔡侯吳子唐侯伐我舍舟

于淮汭自豫章與楚夾漢戍與囊瓦謀毀其舟前後擊  
之既行囊瓦及吳師戰我師大敗五戰及郢王出奔戍  
及息而還敗吳師于雍澨傷初戍臣闔廬故恥為禽謂  
其臣曰誰能免吾首吳句卑曰臣賤可乎戍曰我實失  
子可哉三戰皆傷曰吾不可用也已句卑布裳剄而裹  
之藏其身而以其首免

左傳

句卑吳人為戍臣戍子二諸梁后臧

沈諸梁

后臧  
圉公陽附

沈諸梁字子高沈尹戌之子也為葉公昭王二十五年

哀四年

諸梁及左司馬販致蔡于負函

蔡故地楚會致之以為邑

致方

城之外于繒闕襲梁及霍執蠻子以歸

詳左司馬販傳左傳

公子申召白公勝諸梁聞之見申曰聞子召王孫勝信

乎曰然諸梁曰將焉用之曰勝直而剛欲寘之境諸梁

曰不可其為人也展而不信愛而不仁詐而不知毅而

不勇直而不衷周而不淑是六德者皆有其華而不實

者將焉用之彼其父為戮于楚其心又狷而不潔思報

怨而已則其愛也足以得人其展也足以復之其詐也  
足以謀之其直也足以帥之其周也足以蓋之其不潔  
也足以行之而加之以不仁奉之以不義蔑不克矣夫  
造勝之怨者皆不在矣

謂諧大子費  
無極之徒

若來無寵速其怒

也思舊怨以脩其心苟國有釁必不居矣非子職之其

誰乎余愛子與司馬

公子結

故不敢不言公子申曰德其

忘怨乎余善之夫乃其寧諸梁曰不然吾聞之曰唯仁  
者可好也可惡也可高也可下也好之不偏惡之不怨高

之不驕下之不懼不仁者則不然好之則偏惡之則怨  
高之則驕下之則懼驕有欲焉懼有惡焉欲惡怨偏所  
以生詐謀也若召而下之將戚而懼為之上者將怒而  
怨詐謀之心無所靖矣有一不義猶害國家今壹五六  
而必欲用之不亦難乎吾聞國家將敗必用姦人而嗜  
其疾味其子之謂乎人有言曰狼子野心怨賊之人其  
又可善乎子不我信盍求若敖氏與子于子皙之族而  
近之安用勝也其能幾何昔齊駟馬繻以胡公入于貝



水邨歎閭職戕懿公于圓竹晉長魚矯殺三卻于榭魯  
圍人瑍殺子般于次夫是誰之故也非唯舊怨乎是皆  
子所聞也人求多聞善敗以鑑戒也子聞而棄之猶蒙  
耳也吾語子何益吾知逃而已公子申笑曰子之尚勝  
也不從使為白公諸梁以疾閒居于蔡

國語

惠王十年

哀十六年

白公勝作亂殺公子申公子結而劫王

諸梁在蔡方城之外皆曰可以入矣諸梁曰吾聞之以  
險徼幸者其求無饜偏重必離既而聞白公勝殺齊管修

管仲

之後楚賢大夫

諸梁乃入勝劫王如高府

楚別府

圍公陽穴宮負

王以如昭夫人之宮圍公陽亦楚大夫也會諸梁亦至

及北門或遇之曰君胡不胄國人望君如望慈父母焉賊盜之

矢若傷君是絕民望也若之何不胄乃胄而進又遇一

人曰君胡胄國人望君如望歲焉日月以幾若見君面

是得艾也

艾安也

民知不死其亦夫有奮心猶將旌君以

徇于國而又掩面以絕民望不亦甚乎乃免胄而進遇

箴尹遂固帥其屬將與白公勝諸梁曰微二子

者

謂公子申  
公子結

楚不國矣棄德從賊其可保乎乃從諸梁

使與國人以攻勝勝奔山而縊

荀子葉公子高微小短瘠行若將不勝其衣然白公  
之亂令尹子西司馬子期皆死焉葉公子高入據楚  
誅白公定楚國如反手

白公之亂陳侵我十一年

哀十  
七年

我將取陳麥王問帥于

大師子穀與諸梁子穀曰右領差車與左史老

並楚  
大夫

皆

相令尹司馬以伐陳

亦謂公子  
申公子結

其可使也諸梁曰率賤

民慢之懼不用命焉子穀曰觀丁父都俘也武王以  
為軍率是以克州蓼服隨唐大啟羣蠻彭仲爽申俘  
也文王以為令尹實縣申息朝陳蔡封畛于汝唯其任  
也何賤之有諸梁曰天命不謫令尹有感于陳

公子申  
伐吳陳

使使弔吳以此為  
恨在哀十五年

天若亡之其必令尹之子是與君盍

舍焉臣懼右領與左史有二俘之賤而無其令德也王

使公孫朝帥師

公子申  
之子

朝遂滅陳諸梁既平白公勝遂

蕙令尹司馬及是王與諸梁枚卜子良以為令尹子良

者王之弟也沈尹朱曰吉過于其志諸梁曰王子而相

國過將何為他日改卜遂以公孫寧

公子申之子

為令尹公

孫寬

公子結之子

為司馬而諸梁老于葉十三年

哀十三年

越侵

我諸梁伐東夷以報越三夷男女及我師盟于敖吳之  
入郢也諸梁之弟后臧從其母于吳楚既定后臧不待

而歸諸梁終不正視之

左傳

論曰沈戌籌吳洞若觀火楚用其言吳雖疆如楚何及  
夫毀舟謀遂燎原之勢其猶可撲滅也惜夫讒夫阻之

而貪人之敗類也國人好司馬施及諸梁遂平勝難德  
繫民望國乃不亡嗚乎君子當知所尚矣若夫圉公陽  
之穴宮吳句卑之免首小臣事主不以約遷雖然我實  
失子寧無滋歎乎

尚史卷五十九